

Nioqqutissianik ineriartortitsinernut, avammut niuernermik siuarsaanernut, professioniliusumik siunnersuisarnermut (qiortagaq), sermimik imermillu suliniutinut aamma takornariartitsinermi suliniutinut tapiissuteqarneq pillugit Namminersorlutik Oqartussat nalunaarutaat

Nunami inuussutissarsiutinut tunngatillugu inuussutissarsionermik siuarsaaneq pillugu Inatsi-sartut inatsisaanni nr. 20, 3. december 2012-imeersumi § 6, § 8, imm. 3 aamma § 9, imm. 3 naapertorlugit aalajangersarneqarpoq:

Kapitali 1

Nioqqutissianik ineriartortitsinernut tapiissutit

Tapiissutit annertussusiat

§ 1. Nioqqutissianik ineriartortitsinermut aningaasartuutinut tapiissuteqartarneq pisassaaq tapiissuteqarnissamut neriorsuummi procenti aalajangerneqartoq tunngavigalugu.

Tapiissuteqartoqarsinnaavoq aningaasanngorlugu annerpaamik 300.000 kr.-nut.

Imm. 2. Neriorsuut imm. 1 naapertorlugu ilassuserneqarsinnaanngilaq tapiissuteqarnissamut neriorsuummik § 3, § 9 imaluunniit § 12 naapertorlugit.

Neriorsuutip atuuffia

§ 2. Nioqqutissianik ineriartortitsinermut tapiissuteqarnissamut neriorsuut nammineerluni atorunnaassaaq neriorsuummi ulluliussap qaangiunnerani.

Kapitali 2

Avammut niueruteqarnermik siursaasarnermi suliniutinut tapersiineq

§ 3. Ukiumoortumik aningaasanut inatsimmi aningaasaliissutissatut aalajangersarneqarsima-sut iluanni avammut niueruteqarnermik siursaaniarnermik suliniutinut tapiissuteqarnissamut neriorsuisoqarsinnaavoq, tamatumani aamma avammut niuernermut siunnersuisoqatigiinniit, handelskammerimiit il.il., kiisalu nioqqutissanik sassartaarussinernut atorneqartussanik.

Imm. 2. Piffissami ukiunik pingasunik sivisussusillip iluani annerpaamik neriorsuutininik marlunnik nalunaaruteqartoqarsinnaavoq inummut pineqartumut imaluunniit ingerlatseqatigiiffimmut.

Imm. 3. Neriorsuut imm. 1 naapertorlugu ilassuserneqarsinnaanngilaq tapiissuteqarnissamut neriorsuummik § 1, § 9 imaluunniit § 12 naapertorlugit.

Tapiissutit annertussusiat

§ 4. Aningaasartuutit taarsiilluni tapiissuteqarnermi avammut niuernikkut siuarsaanermut suliniutinut aningaasartuutit tamakkiisumik matussuserneqassapput, taamaattoq annertunerpaamik 50.000 kr.-it.

Neriorsuutip atuuffia

§ 5. Avammut niuernikkut siuarsaataasussanik suliniutinut tapiissuteqarnissamik neriorsuineq nammineerluni atorunnaassaaq neriorsuuteqarnermi piffissaliussaasoq qaangiuppat.

Kapitali 3

Qiortakkat - siunnersortimit professional-iusumit ikiorserneqarnissamut tapersersuineq

§ 6. Piffissap ukiuni pingasunik sivilissusillip iluani annerpaamik neriorsuutit marlunnik nalunaaruteqartoqarsinnaavoq aalajangersimasunik annertussusilinnik aningaasartallinnik, siunnersortimit professional-iusumit ikiorserneqarnissamut inummut pineqartumut tassunga ingerlatseqatigiiffimmulluunniit.

Imm. 2. Neriorsuut imm. 1 naapertorlugu ilassuserneqarsinnaanngilaq tapiissuteqarnissamut neriorsuummik § 1, § 3, § 9 imaluunniit § 12 naapertorlugit.

Tapiissutit annertussusiat

§ 7. Professional-iusumik siunnersortinit aningaasartuutit taarsiilluni tapiissuteqarnermi aningaasartuutit tamakkiisumik matussuserneqassapput, taamaattoq annertunerpaamik 25.000 kr.-nut, professional-iusumik siunnersortinit aningaasartuutit, suliffeqarfimmik pilersitsinermut.

Neriorsuutip atuuffia

§ 8. Tapiissuteqarnissamut neriorsuut professional-iusumik siunnersortinit ikiorserneqarnissamut (qiortagaq) nammineerluni atorunnaassaaq neriorsuuteqarnermi piffissaliussaasup qaangiunnerani.

Kapitali 4

Kalaallit nerisassiaannik atuinerup inerisarneqarnissaanut kiisalu sermimit imermillu suliniutinut tapersiineq

§ 9. Ukiuortumik aningaasanut inatsimmi aningaasaliissutissatut aalajangersarneqarsi-masut iluanni Kalaallit nerisassiaannik atuinerup inerisarneqarnissaanut aamma sermimut imermillu tunngasumik suliniutinut tapiissuteqarsinnaanermut neriorsuisoqarsinnaavoq.

Imm. 2. Tapiissuteqarnissamut neriorsuut tunniunneqarsinnaavoq kalaallit nerisassiaannik aamma sermimit imermillu nioqutissianik ineriartortitsinermut tunngatillugu.

Imm. 3. Neriorsuuteqarneq imm. 1 naapertorlugu akulerussilluni ilaqinneqarsinnaanngilaq § 1, § 3 imaluunniit § 12 naapertorlugit.

Tapiissutit annertussusiat

§ 10. Kalaallit nerisassiaannik atuinerup inerisarneqarnissaanut aamma sermimit imermilluunniit nioqutissiasaanut aningaasartuutit taarsiilluni matussusiineq tunniunneqarsinnaavoq tapiissuteqarnissamut neriorsuutaasumi aningaasartuutaasut 50 %-iattut akiliuteqarnikkut. Tapiissuteqartoqarsinnaavoq aningaasanngorlugu annerpaamik 300.000 kr.-nut.

Neriorsuutip atuuffia

§ 11. Tapiissuteqarnissamut neriorsuut kalaallit nerisassiaannik atuinerup ineriartortinneqarnissaanut aamma sermimit imermilluunniit suliniummut nammineerluni atorunnaassaaq neriorsuuteqarnermi piffissaliussaasup qaangiunnerani.

Kapitali 5

Takornariartitsinermi suliniummut tapersiineq

§ 12. Ukiumoortumik aningaasanut inatsimmi aningaasaliissutissatut aalajangersarneqarsi-masut iluanni takornariartitsinermit tunngasumik suliniutinut tapiissuteqarsinnaanermut neriorsuisoqarsinnaavoq.

Imm. 2. Tapiissuteqarnissamut neriorsuut tunniunneqarsinnaavoq takornariartitsinermi nioqqutissianik ineriartortitsinernut ussassaarinernullu tunngatillugu.

Imm. 3. Neriorsuuteqarneq imm. 1 naapertorlugu akulerussilluni ilaqqinneqarsinnaanngilaq § 1, § 3 imaluunniit § 9 naapertorlugit.

Tapiissutit annertussusiat

§ 13. Takornariartitsinermik nioqqutissianut aningaasartuutitik taarsiilluni matussusiineq tunniunneqarsinnaavoq tapiissuteqarnissamut neriorsuutaasumi aningaasartuutaasut 50 %-iattut akiliuteqarnikkut. Tapiissuteqartoqarsinnaavoq aningaasanngorlugu minnerpaamik 10.000 kr.-nut, annerpaamillu 300.000 kr.-nut.

Neriorsuutip atuuffia

§ 14. Takornariartitsinermik nioqqutissiamut tapiissuteqarnissamut neriorsuut nammineerluni atorunnaassaaq neriorsuuteqarnermi piffissaliussaasup qaangiunnerani.

Kapitali 6

Ataatsimut aalajangersakkat

§ 15. Tapiissutit ataatsimoortillugit akilernerqarsinnaapput, tamakkiisumik tapiissutitik tunniussisoqarsinnaaneranut aningaasartuutit akilernerqarsimanerisa uppersarsarneqareernerisigut.

Imm. 2. Tapiissutitik tunniussisarnermi tunngaviuvoq aningaasartutit toqqaannartumik siunertanut qinnuteqaammi nalunaarneqartunut tunngasuunerat.

Imm.3. Tapiissutitik tunniussisoqarsinnaanngilaq aningaasartuutinut tapiissuteqarsinnaa-nermut neriorsuummik tunniussisoqarnera sioqqullugu akilernerqarsimasunut.

Nalunaarusiortarneq

§ 16. Tapiissutitik tiguisussap uppersarsaatip ilaatut nalunaarut suliarissavaa suliniummut tamarmiusumut tunngatillugu, kiisalu aamma aningaasaliissutit qanoq atornerqarsimanerat pillugu.

Imm. 2. Nalunaarusiaq skemamut nalunaarusiorfissamut allanneqassaaq, nassiunneqassallu-nilu tapiissutissat tunniunneqarnissaannut qinnuteqaammut ilanngullugu.

Atortuulerfia

§ 17. Nalunaarut una atortuulerpoq 1.juuli 2016. Ilutigitillugu atorunnaarpoq Tunisassianik ineriartortitsinermut, ingerlatanut avammut tuniniaanissamik siuarsaasunut, kalaallit nerisassiaannik atuinermik siuarsaasunut aamma inuussutissarsiutigalugu siunnersortinit ikiorneqarnissamut tapersiissuteqartarneq pillugu Namminersorlutik Oqartussat nalunaarutaat nr. 3, 17. februar 2014-imeersoq.

Namminersorlutik Oqartussat, ulloq 27. juuni 2016

Vittus Qujaukitsoq

/

Jørn Skov Nielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut